



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

CCXXI. Begnadigung der Stadt Gardelegen wegen erlittener Feuersbrunst,
vom 5. Sept. 1505.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

vorsigellit vnd Geben zw Coln an der Sprew, am Dinstag nach Egidy, Der geburt Cristi Taufent
Funffhundert vnd darnach Im Funfften Jar.

R. dominus Theodericus de diskow doctor etc.
Sigismundus Czerer doctor et Cancellarius subscripsit.

Nach dem Originale im Rath's-Archive zu Gardelegen.

CCXXI. Begnadigung der Stadt Gardelegen wegen erlittener Feuersbrunst, vom 5. Sept. 1505.

Vonn gotts gnaden wir Joachim Churfurst etc. Bekennen vnd thun kunt offentlich mit
dissim briue — nachdem disse nachgeschriben vnser burger vnd Inwoner zw Gardeleg vnd liebe
getrewen mit namen Steffan Bornemann, hans kock, Claws Jeggowfche, Achim Olczen, Claws hane,
ludeke rydeknecht, Claus von Gore, Claus volcke, hans kock In der santstrate, Eggert Hornemann,
henning bumann, Wiprecht Poccans, Tideke stripehase, Mattis vofs, Merten nigebur, Jacob horstemanfche,
Drewes guldenpenning, Gorgs moldenhawer, Junge hans Trustede, heyne maler, Tyle koster, Ludicke
schulte, Tomas lange Claws trustede, Cleman de arbeidersmann, Herme Olczen, Baltasar grolle, hans
anegat, heine lange, Lamentze ketzig, Claws moring, Hans cobbelakersfche, Ciriacus Poccans, kersten
Hufelytte, Henning Ronnebecke, hans Jeggow, Steffan Rideknecht, Claus Damman, Achim hornstede,
Alirt alirdes, Lentze dannell, hans horstemann, Henning Sehufen, hans Wilkens, Paschen Bitkow, mert-
ten Ludekens, Er hane Bomgardensfche, Tile kannengitter, hans boldeman, Jacob Bodeker, hans Schmet,
Er vrbau, Jacob Rochowfche, margareta moringes, Peter Stolting, hans kock, Drewes Mafs, hans grelle,
Simon Cobbelacker, Olde Liborius, Er vrsene, Er Franciscus, Ebell schmedes, henning Coster, kersten
Lynnenweber meister, hans stouer, Meinekerfche, hans Rossow, Frize anne, Peter Frike, Hans hoppe,
peter horstemann, Tideke Rolaffe, hans hermans, Claws kruger, hans Droscher, hans Wernerfche,
hans kerstens, hans guldenpenning, Achim moltorpe, Thomas Rosso, Er Johann bremer, Er hinrich lupi,
Nicolaus Clet, hinrich Laurentz, Er nicolaus Liremann, winterfeldfche, Rorebeke mertten, Achim trib-
barleue, Claus hoppe, hemmstedfche, hinrick schulte, peter malre, Arnt laurencz, Thomas Schmedt,
Merten hardepe, Leuin wernstede, Heyne Brunckow, Olde hans Schulte, Olde hans mafs, Hans Borckow,
Junge hans mafs, Thomas kongede, Claws Damman, Hans Calue, Schynnemanfche, Reyneke horstemann,
Olde hans feger, Hans kortte tyle, Laurentius koster, herme schulten, hans koll, Herman beygendorp
vnd die armen leut Im heiligen geist hospitall In dissen vorgangen tagen merglichen vnuorwintlichen
schaden fewerzhalben empfangen, Ir hewfere Wohnungen hab vnd guttere den mehreren teil alles zu
grundt vorbrant vnd In vorderb komen seyn, das wir aufs redlicher bewegung vnd vrsachen mit anse-
hung vnd billicher betrachtung solehs Ires grossen genommen schadens, Sunderlich das vnns vnd vn-
ser herrschafft nicht wenig an der gedachten Stat gardelege gelegen, auch damit sie defter statlicher
widervmb bawen, Ires schadens erholen vnd zw Irer zümlichen vnd teglichen narung kommen mogen,
den obgenannten allen In gemein vnd yedem besunder, so solchen schaden vnd vorderb erlitten, vnn-
ser befreung vnd sicherung gegeben haben, Befreyen vnd sichern sie auch hiemit drey Jar lang die
negsten nach datum ditzs briffs nach eynander folgende, fouill des aufs, furfilicher obrickait an vnns ist,
fur die orbete vnd das birgelt, so sie Jerlichen vnns oder andern von sich geben sollen die vnd das
Inwendig den dreyen Jaren wie obenberurt nicht zu gelten oder zuuorreichen vnd geben In darzu
fur alle vnd iglich Ir schuldiger vnd geloubiger benemlich der schuldt halben, so vor dem Brandt ge-

macht vnd betagt fyndt, vnser strak vehlich vnd vngeuerlich gelayt die angezeigten czeit vber In crafft vnd macht dyczs briffs; Begern darauff von allen vnd iglichen Richteren geistlichen vnd werntlichen, so hirmit angelant vnd erfucht werden, von den geistlichen gutlich Synnende, den vnseren werntlichen Ernstlich gebietendt, Ir wollet vber die genannten vnser Burger vnd Inwoner zw Gardelegen so verbrant vnd hiran benant seyn In milder zeyt nicht richten noch Ir gutter bekommen, sunder Inen vnser freyung vnd gelayt Inen aufs merglichen vrsachen gegeben stet vnd vest vnd unuorbrochen halten vnd die zeyt aufs genissen vnd geprauchten lassen, doran thun vns die geistlichen danckbares gefallen mit gnaden zu beschulden vnd wollen vns des zw den vnseren werntlichen zu gescheen Ernstlich vorlassen. Zu urkund datum etc. freytags nach Egidy, Anno etc. XV^o Quinto.

Ex commissione domini Joachimi principis Electoris.

Nach dem kurfürst. Lehnscopialbuche XXXIII., 200.

CCXXII. Kurfürst Joachim und Markgraf Albrecht consentiren in die Verpfändung des halben Schlosses Gardelegen, die Dieterich von Alvensleben an seine Vettern Vicke, Albrecht und Gevert von Alvensleben vorgenommen, am 7. Sept. 1506.

Von gots gnaden wir Joachim, des heiligen Romischen Reichs Erzcamerer, Churfürst und Albrecht, gebruder, Marggrauen zu Brandenburg, zu Stettin, Pomern der Cassuben und Wenden Herzogen Burggrauen zu Nuremberg und Fursten zu Rugen bekennen — Daß wir unfern lieben getreuen Ditterichen von Aluensleuen, Geuerts seligen son, auf sein fleißig erfuchen vergünt und erlaubt haben, das er unfern lieben getreuen Vicken, Albrechten und Gevert von Aluensleuen, Ludolfs seligen sönen, sein Anteil die helfte am Sloff Gardelegen mit der Vischerei und den Müllen vor dem Sloff gelegen diesen hirnach geschriben dörrern gütern nutzungen und zugehörungen, nemlich die Vogtei in den Closter guthern und dörrern zu Nygendorff und dem Heiligen Geist zu Gardelegen angehörend, nemlich in Hempstede, Lüffing, Jeuenize, Allegentede, Cassick, Synou, Swifou, Wennewede, Roxforde, Jeggou, Lazke, und Akendorp mit ihren dinsten, pflegen und legern zu der Borch horend, Item das Vorwerck und die beiden dorffsteden zu Weterize mit Netekou, die dorffstede Sibekow, den Heidewinkel, die windmollen die wassermullen die pfeffermulle genant und auch diese nachgeschriben verletzten und verpfändeten güter und dörrer als Wipke, Winkelstede, Wustreue mit dem weggelde, Sachou, Wernitz, Wardenberg, Voldenscher, Cseten, Laske, Gürtel, Nigenferchou, Kunnerou, Germen, Ronnou, Reppin, Olden Ferchou, Jemmeriz, Kentzendorff, den Teich Mildehouede, Gericht in der Stad Gardelege in allermassen wie dieselben guter und dörrer an ihn geerbet und in der teilung mit seinem bruder gefallen sind, vor virzehn hundert Rheinisch Gulden auf einen rechten wiederkauf laut des kaufbriefes darüber ausgangen verkaufen mag. — Doch das die gnanten Vicke, Gevert und Albrecht von Aluensleuen uns und unfern nachkomen dieweyl sy das obgedacht halb Schloß und güter besizen und inne haben nach anzahl derselben verdienen sollen. Czu urkund mit unferm Marggrauen Joachims Kurfürstlichen anhangenden Insiegel versiegelt und geben zu Tangermünd, am abent Natiuitatis Marie, nach Christi geburt im funfzehn hundersten und sechsten jare.

Relator Hen... Redern Hoffmeister, Sigmund Czerer Doctor und Canzler.

Nach Gercken's Dipl. II., 555—560.